

官有虞得書集士民示之曰殺吾以降衆可活  
咸泣下請死守數日復說降不答守備愈嚴又  
數引兵出城擒殺賊怒益兵力攻火炮衝梯一  
時並舉有虞隨宜捍禦攻七日迄不能克賊計  
窮更於城下說降有虞抽矢射殺之撫軍佟公  
聞賊攻仙遊勢危急檄興化副將楊進忠赴援  
進忠逗遛不進賊偵知圍攻益力有虞嘉貞立  
箭炮中指揮截堵賊稍却乃暗穿地道使細作  
夜入城約奸民舉火爲內應擒之斬首示賊賊  
相顧失色有虞慮民變集紳士申前議皆感泣

富平縣志

卷之七 人物

吳

誓如初賊數失利轉怒因大益兵合二十餘萬  
集城下鑿地道納火炮名地雷繞城俱發聲勢  
撼天城崩二丈餘賊蜂擁入有虞知事潰約嘉  
貞分卒巷戰自率健丁轉鬪而面身被重創忽  
馬蹶仆橋側中鎗死嘉貞亦戰死東城魏公祠  
前健丁趙啟遷朱世傑歐三啟馬汝騏柳光擢  
高昆陳龍寶興來虎寶正寶陳福王成德李彪  
黃元芳韓昶張奇等十六人惟柳光擢幸免餘  
十五人並從戰死時十二年正月初五日也城  
破五日三官堂僧海珏入城於積尸中檢其尸

面如生長子常夏肩死入閩訪得載歸事聞  
贈福建按察司僉事廕一子入監

賜祭葬子常夏蘇州知府時夏平湖知縣肆夏寧化縣

承均有善政常夏子協濟句容知縣勵清操禱  
神驅虎民尸祝之協哲江陰知縣協文有文名

以進士任寧德知縣協哲子崇禮富陽縣丞五  
署縣篆並勵清操循聲大著著有隄鹽紀略

陳開虞字嗣徽有虞弟有虞任仙遊時開虞方遊  
吳越聞兄殉城死哭奔閩海迎其柩值定遠大

將軍求文武才招試數百人開虞與焉居第一

富平縣志

卷之七 人物

吳

承制授漳州同知籍雉堞嚴斥瘼募勇敢寇不  
敢窺民賴以安連署龍溪等四邑皆有政績陞  
江寧知府在任六年大兵大役支應有方毫不  
累民又清案牘辨冤獄釋株連活凡數十人力  
請除浮賦數千金子芳夏以太學生任武康丞  
援陞例補義寧知縣調荔波縣在武康察革積  
弊佐以安靜在義寧除陋規清滯獄葺學築城  
在荔波化蠻俗禁仇殺闢惡習一變

曹玉珂號陸海順治己亥進士生而穎異授書一  
過輒不忘下筆千言立就初授壽張知縣政尚

舉平

丙召攝中書舍人卒於官棺衾不具王又旦哭以詩曰  
家無舊業留京兆世有君才止舍人玉珂詩古  
文詞皆名家新城王阮亭穎川劉公勇同邑李  
子德諸公罔不推為一代作者著有緩齋初集  
大河志史論事論雜詩已刊行其緩齋二集終  
華仙蹟志祥刑錄左國史漢臆評諸書藏於家  
孫秉仁由教諭以江夏丞累官至寧波知府  
田而穉字秩臣號漆厓父時暘明末以諸生入太  
學累授重慶府太原衛經歷所至有善政予告

富平縣志

卷之七

人物

舉

歸濟荒周貧恩覃里族生穉時有異兆既長學  
成順治庚子舉於鄉久之授固原學正調岷州  
衛學正卒於官穉性孝友剛正不阿動必以禮  
兩試學博先行後文提覺有方同官上司皆深  
加齒遇謂為當世古人所著有懷山堂文集六  
卷詩集十四卷詩餘三卷經史隨筆六卷五行  
經子午鍼三卷程典註二卷田氏家乘二卷警  
枕錄二卷傳章七程以貧故不能梓姪甚行性  
剛方博學強識著有同心軒詩十卷文集六卷  
正字錄二卷

石天樞字右函在闔子性仁孝以康熙己酉舉人  
授內閣中書舍人遷戶工二部郎中擢天津道  
蒞任後冰蘖自誓正身倡屬禮士恤民實政可  
紀因聖悞革職津民數萬叩

關保畱奉

旨免議再任江南督糧道江南財賦甲天下務繁弊滋  
樞守潔才敏事無巨細不假胥吏手制府甚重  
之後緣入都候補值西逆作難奉新例自備勞  
費身任轉輸軍功議叙加二級紀錄三次補職  
在卽自念精力漸憊旋里不起至

富平縣志

卷之七

人物

舉

聖祖西巡迎

駕潼關承

溫旨獎其精健

諭令補官以老病確辭蒙

賜

御書臨明臣董其昌書法一幅天津政績詳德政錄

李因篤字天生號子德父映林明諸生師事馮恭  
定公少虛究心理學早歿里論孝貞先生母田  
太孺人後孝貞五十一年卒懿行徽音並詳卽  
陽康乃心 華山王宏撰山史二曲李顯中

子三死生為記因篤八歲能文章年十一入庠值明末寇亂棄去肆力古文詞尤長于詩康熙十七年

詔集諸儒纂修明史廷臣疏薦之以母老乞罷不允十八年

御試授翰林院檢討未兩月即疏乞終養疏畧曰臣母年踰七旬屬歲多病隨經具呈吏部吏部謂稱親援病恐有推諉竊思已病或可僞言親老豈可假托臣雖極愚不肖詎忍藉口所生指為推卸之端臣仰圖報

富平縣志

卷之七

人物

至

君俯迫諭母欲留不可欲去未能瞻望

賜廷進退維谷疏三十七上始允歸抵家後寢食無寧

每事躬親越五年母歿不復仕性敏絕博極羣

書又好汲引後學問字者無虛日或有過必婉

詞規勉未嘗以聲色加人九芝郭公言集杜句

題贈云文章來國士忠厚與鄉人蓋實錄也卒

日里謚文孝先生著有受祺堂詩集三十五卷

漢詩評十卷邑人故樂昌令田若畹鐫以行世

文集十五卷稿藏於家弟因材性孝友著耦圖

集姓氏攷

党國虎六歲母亡寄養舅氏父普寬兄廉生為族

子國孝毆死以事未露國孝幸免國虎恚甚揣

力弱未能報年十九歲乃誘國孝於野並其子

尋兇搥殺之詣縣自首赴獄令欲加卹國虎念

父仇已雪自經死前令郭公傳芳劄忠孝祠首

肖唐復仇孝子梁悅像以國虎配

康保民字子元行優學富為名諸生遭亂棄去益

廸厥德年高彌邵李子德先生贈詩有排紛時

所賴潔已古為徒之句朱樹滋表其墓弟安民

倜儻尚義氣重然諾作民敬兄愛姪天性尤篤

富平縣志

卷之七

人物

至

田若琬字未若號少華本生父本建以孝友重閭

黨兼擅文名甫生若琬兄督學公本沛妻劉恭

人抱歸養為己子既長好學多識內行尤醇備

隨任京兆以諸生入太學中順天己酉舉人授

樂昌令初下車念邑界楚疆滇變蹂躪因務撫

字不急催科減額耗十分之四其撫憲行均差

法雜派浮正賦他令皆謹奉行民甚苦之公獨

以貧瘠告得免派乙亥值荒捐米千餘石煮粥

活民又念昌邑久無登甲乙科者修文廟立義

學課士惟勤文風一變科名不絕在官十餘載

服用如寒素家不增尺畝獨以向諾李子德先生代刊詩集之囑出俸百餘金鑄以行世公畱心經濟自性理外兵農諸學射御技勇無不嫻習顧小試一邑爲當事所格不克大展子六人皆名士

成言字默之號鹵川事母至孝每定省值母閤戶於窓前肅揖頭必至地貧而有守恥干人師事李二曲先生以聖賢自期待勸善規過力持風教二曲歿服喪三年丁酉歲講學涇川官士服教者三十餘人前令楊公勤進門投後學刺聆

富平縣志

卷之七

人物

聖

教益如嚴師著有大易四書易簡成氏家訓及一貫圖

喬爾斗號漆濱有志節隱居教授耄而好學言理恪遵洛閩文喜韓柳李二曲先生以貧而無詬目之桐城方閣學靈臯昆仲慕其名嘗寄書訂盟稱神交門人登賢書者三人入庠尤夥所著有博約說孔顏所樂論四書辨難及諸雜文惜罹回祿存僅十一

賈人龍字仲永號默齋賦性純明不慕榮利少習舉子業旋棄去潛心理學肆力經史李二曲先生

生一見許之曰厚重沉潛可與入道授徒百餘人以先行後文爲宗事親曲盡子職父病禱天嘗糞旣沒廬墓三年事長兄如父兄歿粵東官署值兵亂道梗人龍冒險迎歸事孀嫂加敬慎比歿殮葬如禮處里黨言不妄發一介不苟取終身不入公門前令郭公傳芳慕其爲人欲一晤力辭不赴乃造廬就見扁其門曰理學名儒李思沆字聖知號澹菴父僚樂善好施沆性孝友有父風由選貢授東莞令懲頑緝盜尤善摘發兼勵清操行取刑部主事數訊大獄多所平反

富平縣志

卷之七

人物

聖

卒於官

魏朝璉字華然性孝友明末父官懷慶府倉庫局大使卒於官璉年十六獨扶櫬歸值闖寇擾河南道路梗塞晝伏夜行渡黃河舟子詐財詰以藏兵欲開櫬檢視厚賂始免愛胞弟文籍如手足康熙二年任廣信府興安尉不用行尸王子吳逆變攝邑事甲寅實授會耿逆復作郡邑淪陷守令盡逃避入南昌知府高語弋陽巡司以書招璉不應益奮勵率城中男女殊死守半月城陷賊授以冠帶擲地大罵遂遇害

唐文昭字含章庠生父歿齋居三年繼母偏愛已  
于因逐昭別居益肆力稽古精理數學御史何  
丞都造訪其廬贈以金却之因贈以布獻諸母  
母卒悔悟呼歸家故貧每值大祀邑人重其學  
行歛粟贍之前令郭公傳芳創祠祀孝義三人  
文昭與焉

張憐字子丹號月厓康熙壬戌進士任崇仁令請  
發倉賑貸禁溺女有虎患爲文祝城隍虎遂屏  
跡歷官戶刑部郎清慎自矢督學廣西革場弊  
正文體絕資緣所拔皆單寒名士

富平縣志

卷之七 人物

五

王雍字默公號華麓康熙壬戌進士授魯山令政  
尚嚴明豪滑屏跡久之治化大行報最

名拜兵科給事慷慨任職以先時發帑賑秦當事者怙  
勢恃援軌法乾沒特疏攻之聞者咋舌或詆雍  
雍曰天下事予所欲言有大此者姑以爲兆耳  
章未下舊疾發告歸未幾卒囊無餘財子二長  
作霖已卯舉人次作楫庠生

許襄字贊公康熙甲子舉人恬淡寡營守正不阿  
楷範來學章縫著美士論推爲宿老

惠龍嗣天性至孝文學優長康熙辛未進士授通

海知縣善政多端上憲咸引重蒞仕八月卒於  
官著有自新應用二錄楊公名時李公二曲同  
邑李太史子德咸爲立傳載家乘

竇祖禹字大緒少不羈康熙壬辰進士授婺源令  
興利剔弊政聲頗著某科入簾卒闈中發民感  
德共請迎柩歸葵築墳建祠春秋祀之著作散  
逸存有待刪草詩集一冊

師士式字完貞性耿介持已端方知藍山縣值蝗  
祝天蝗卽死引舜水灌田百餘頃勸墾荒地二  
萬餘頃招流安集五千餘家禮賢士課農桑弭

富平縣志

卷之七 人物

五

盜鋤奸道徭革弊尤善聽決以卓異擢吏部員  
外祀藍邑名宦又攝寧武臨武皆有政績

陳範忠心子康熙丁未武進士授守備擢廣東碣  
石鎮遊擊十九年海寇犯甲子所擊敗之三月  
進征嘉門五月征鷓汀背海口俱有功二十一  
年從大兵平臺灣沿海悉定除甘州城守叅將  
三十八年陞汀州副將巨寇朱紹嘯聚龍門山  
永定歸化諸縣大擾範率兵搗巢一鼓平之民  
賴以安邑人竇鳳輝有傳載藝文

紀廷樞字鈞宰由行伍從征川東勦除西戎積軍

功歷官榆林守備屯守達爾兔引雪山水灌田  
軍民爲立生祠名其旁橋曰紀公橋屯田十八  
年授固原遊擊推慶陽協康熙辛丑關輔饑寇  
盜嘯聚盛山首葭溝號數萬屢攻不下鄂制憲  
檄樞進剿不旬日蕩平嗣以驃騎將軍告老初  
樞屯守達爾兔日嘗手縛酋領一人將剗刃遂  
受約束無敢侵犯我邊陲議者擬諸傅介子云  
歸田後俸餘盡周親族與僮僕共力作善事兄  
長人尤稱之子二長實許進士任南雄守備次  
仕許官典史

富平縣志

卷之七 人物

五

楊貽清字白公號介庵諸生事繼母以孝聞與李  
子德李二曲諸公遊晚年授黃陂丞康熙三十  
年關中饑民流移入楚者塞道路奉委安撫調  
度有方全活招歸以數萬計在黃請除漕費至  
今尸祝

仇延祉字名先號天庠孝子仇養蒙曾孫康熙癸  
卯舉人任鳳翔教諭值軍興憲檄代催軍需力  
却私饋民感之王申大荒嫗友就食學署者俱  
給無倦色

朱樹滋字長源號迂庵廷璟子生而岐嶷十歲知

書以諸生入成均爲司成王阮亭先生所拔議  
與同邑李太史子德姑蘇顧寧人太原傅青主  
二徵君相友善詩古文詞皆絕人遠甚居家崇  
孝友居鄉宏施濟尤見推獎著有雷雪齋諸稿  
藏於家

巴廷傑樂安典史三藩作逆城陷不屈死

王維成康熙三十三年任石城典史視事甫三日  
閩逆來攻與照磨李道明協力守禦晝夜登陴  
二旬乃解十五年劉應麟兵至城下維成與戰  
破之嘗建城流矢中臂不爲動三載寇平卒保

富平縣志

卷之七 人物

五

危城維成實有力焉載通志

魏萬捷字延之汶上主簿河工舊例工食多侵欺  
捷一切清算卽以羨數倍給工人併捐己囊若  
千夫役踴躍趨事每一堤成歷久不壞

來珽字叔和號定齋辛卯舉人授樂亭令孝事孀  
母暫離輒不安母歿執禮尤至在官時拳拳以  
愛民爲心不畏豪貴不迎合上司值水漂民舍  
捐助修復令築隄防護民德之著有正學書警  
覺錄探源編藏於家

李樞字句永祖春先以諸生入太學性孝友樂施

于律已方嚴接人寬恕友人某既絕交遭奇禍  
潛斃其女託之善遇如已出父濟順治戊子舉  
人任惠來永城二縣令有能聲樾中康熙己卯  
舉人雍正四年部選贊皇知縣引

見日以耳聾自請改教職

世宗憲皇帝嘉其忠誠不欺特加錄用蒞任未幾致仕  
歸樾學殖深厚教澤所及克自成立者指不勝  
屈士夫稱之其伯父澤東平同知弟杖以進士  
任永定知縣各有政績弟樟有傳

李樟字章木生而穎異稍長就學以大成自期待

富平縣志

卷之七

人物

五

為詩文皆自成一以名諸生聯捷乙酉丙戌

甲乙榜謁銓得東粵平遠地險風陋稱難治樟

至釐積積除宿蠹苞苴請托皆嚴絕不少假力

表孝子捐設義塾甫數月治化大行會邑紳某

某以某鄉五莊田賦賦輕擬律侵凌控惠潮道

下府按之樟念五莊民命繫片壤且巖壑回互

林樾叢錯勢難均理密遣人授意而別差縣胥

隨道吏往視至則百姓皆攜耆肩兩立山上呼

曰累年力墾得尺寸地必見奪即吾輩斃死矣

無寧棄之去歸報府君因據狀詳請事乃寢又

某某以觸禁出二百金托某紳求為地其人來

謁語移晷憚樟嚴毅終不敢發邑舊規具公辦

銀三千兩前令循例恣用樟盡詳革督撫方合

章薦樟遽以病乞休去闔邑遮留依戀立祠祀

之樟亦酒泣相慰其畱別詩有猶竊循聲煩父

老遂叨尸祝涵明神欲把臨岐雙眼淚遍隨秋

雨酒良苗之句歸里十七年家政鄉行膾炙人

口病革索箋自書曰譽咎叢生未免鄉人誰定

論質文頗盡且乘大化自全歸擲筆而逝著有

常華園詩集已刊行餘藏於家

富平縣志

卷之七

人物

李

唐作肅字雨休生而岐嶷太原傳徵君青圭一見

奇之央其大成年十三值母病日侍湯藥夜處

榻下中濕成瘧迄不痊然力疾向學以博淹著

詩文皆絕人執贄請業經其指授者皆成名下

士樊元助趙廷健王吉士等各魁一經盧重吉

等二十二人有聲庠序英才濟濟輝映門墻識

者頗欲擬諸河汾孝友慈祥尤為鄉里所推重

路立孔字東山天才英邁嗜古工詩不樂仕進嘗

遊朔方與高僧靈芝為方外友趙忠襄公延為

上客未幾旋里偕同里魏季始讀書明月山素

老而彌篤著作甚富有春草堂遺草行世

周懋康字甯人高隱不仕長於詩以邑人李太史子德為宗王阮亭孔東塘兩先生極力推之有一代風雅之目

王者公字亮臣宜陽典史邑北道通數省居民稱少為羣盜出沒地者公捐俸造屋數十間給牛種招人墾田立莊兩處一名安遠一名王建嗣是居人漸密行旅無虞事詳宜陽縣志後值民變公挺身出諭事乃平活數萬人又山路衝決往來不便捐建石橋眾感之樹碑其側名王公

富平縣志

卷之七

人物

空

橋以病歸民立生祠祀之

賈琳昌父鳴鳳以三戰斬獲功授世襲指揮早亡琳昌事母孟氏曲盡子道母病嘗便以孝行舉蒙

旌月給米布歿入忠孝祠

郝振綱監生性惇實事寡母以孝聞事無大小皆恪遵母命年十五入市鬻線拾銀八兩坐待失者至暮母遣人喚歸詰其故喜曰待之良是詰朝失者至母輒令還之既長習幕學為養母計應聘入晉不忍離母將以行久之歸母聞堂

婦貧寡鬻子憐其孤苦綱即贖撫之又教綱養同族孀婦子郝仕得成立葬族人某某夫婦撫其子皆虔奉無少違洎母病歿哀毀踰節廬墓三年雍正六年蒙

旌祀忠孝祠

常崇仁弱齡喪父孝道克全事節母王氏尤極篤孳生養葬祭情文交至前學憲逢公奏准給衣頂寵附宮牆歿祀忠孝祠

姚冲瀛字伯海性馴謹稍長知孝家世寒微生未授書然問視諸子職率意為之輒暗合康熙戊

富平縣志

卷之七

人物

空

子父播歿致毀以貧故不克葬苦塊柩側自炊以食妻子饋食斥弗御二年母歿亦如之更二年始克葬既葬廬墓傍日於百步外膝行戴囊土築墳歷數年以戚友力勸始歸每當祭或外出必前期返哀慕誠至迄終身如一日又善教子卒日里謚孝慈乾隆元年

旌表祀忠孝祠

唐鼎飛隨父四維客興安父死鼎飛年甫十三負父尸歸道遇伏虎顧年幼不知為虎迫視之虎終不動同行柳姓者逃伏山頂下視見其狀歎

爲至孝所感泣事節母實氏出盡孝道友愛幼弟鼎元訓其力學得入庠

溫多藝康熙乙卯寇掠頻山負母逃難母恐累及

藝結云少息藝方踴躍母遠投入水窟即擲身

隨下時值中夏窟深奇寒藝戴母立水中翼日

衆共救出母子無恙

陳覺字企卓號退庵庠生德行優卓言行可法事

母李氏生養死葬毫無遺憾事叔父如所生事

長兄克恭事師盡禮信友卹隣讓產焚券美不

勝紀博學能文尤邃於詩

富平縣志

卷之七 人物

七

韋編字續之讀書太乙石室精于易著序卦圖解

及苦槐堂集稿藏家

袁大選字聖舉戊子舉人任馬邑左雲兩縣令有

惠政里居授徒成就多人著世範堂詩恕菴文

稿藏於家

師其禮年少喪母於幃中設榻夜展衾晨起灑掃

上食如母在晝夜號泣三年餘未及舉葬而死

乾隆四十二年蒙

旌

王錦字子襄歲貢兄弟析居時嘗推產讓業任安

定訓導勤於課士少工圖章隸篆解組後年八

十餘猶爲人備寫不倦時人重其手蹟

武克謹字慎一庠生家貧力學持品端嚴課授生

徒勤而有方遠邇爭延致之成就頗多邑舉人

張若敏王吉士賈鳳輝貢生張若愚庠生翟象

滋馬克莊楊振威等十數人並有名一時皆門

牆士也至今邑中授徒者皆推爲前輩典型云

賈希韓字獻思監生性孝友慷慨渾厚事繼母能

得歡心與異母弟監生希范處友愛如同胞教

子有方敬禮師席一出至誠尤樂拯人之急晚

富平縣志

卷之七 人物

七

年貧窘見喪未舉婚未完者猶汲汲搜篋解衣

濟之至今鄉黨稱道弗衰

楊深字通志五歲失怙恃育于伯父伯父歿無子

身爲三年喪嗣以次子族黨稱焉深敦行嗜學

有聲幕府著春秋臆說萍踪雜記樂耕園詩草

暨南湖志等書稿藏於家

陳廣運字佑忱庠生江寧府開虞會孫少有志性

嘗失愛於繼母委曲承順母愛之無異已出遇

弟廣業友愛有加生平待人恕律已嚴里中知

名士多出其門

趙有徽字虞與貢生幼喪母哀毀如成人事繼母  
孝弟武生有值夫妻相繼亡遺孤僅數月並幼  
女四攜歸撫育嫁娶成立居家儉素而好周恤  
扶老濟困無吝色教子孫有方子繪食餼于庠  
孫夢麟鄉舉現以試用縣任潮府經歷

何世寵字九錫由例監保舉知縣歷署永昌武威

平番寧夏度支軍務籌辦災賑以才能著補平

羅值寧夏地震後人民凋殘城郭無存新羅二

縣併歸平邑罷修築招集給牛種開廢渠得田

萬頃仍捐田興學績最一時調張掖丁艱服闋

富平縣志

卷之七人物

奎

除蜀渠縣疾作請休歷官多年囊無餘貲鄉里  
稱之

孫聯捷字迅發雍正己酉舉人教習

內廷館課嚴切及門擬魏科者十餘人乾隆庚申授

綏德學正祇憑文行造就多名士丁卯撫憲陳

公以知縣保薦初署保定尋補容城潔己愛民

承辦

南巡差務能於職八閱月丁外艱客館蕭然邑民輸

送薪米僱驢車送歸而為位書院以祀服闋署

豐潤蝗為災多方力捕績最他郡邑補寧晉

澤有潤出者請得免陞科建奎閣創書院課生  
童署中丁丑東明水方制臺摺奏調補抵任賑  
粟瘞骸捐施綿衣隨築堤浚渠去積水民用奠  
安辛巳擢滄州牧適大旱捕蝗設粥賑復疏通  
淤渠緝獲盜窩諸所措布皆利民之大者乙酉

行宮賜晏

皇太后賞端綺荷包僚佐以為榮滄人繪賢勞圖頌之

丙戌以年告歸卒於家捷好讀書歷宦數十年

未嘗廢學著大學中庸心解在容日刻楊椒山

富平縣志

卷之七人物

奎

忠愍公集又代友人刻讀孟各書景雲其二子  
也孝友力學早歿邑先達任鵬遠題其墓曰篤

行士四子步雲任邳睢水利同知

張若敏字學山丙辰舉人由明通官中衛教諭衡

文課士勤於職上憲廉其才識委協辦軍需嗣

以績最卓薦授青溪令未之任卒於京邸

趙廷健字若乾乙丑進士任崇明縣前知如臯丹

陽并署江都剖疑獄築海堤愛民造士恤困扶

危俱有循蹟捐修本縣官裏橋人尤義之邑人

樊元助有記

封補爵戊午舉人任華陰教諭勤於課士提挈授  
聚陽令有惠政歿於官兩地士民感念弗衰

陳廣業字淑勤壬子舉人由明通教諭華陰諄切  
課士撫憲盧公手書不愛錢三字以贈緣母老  
告終養後提挈取瀾陽令旋改授徽縣論訓課如  
華倡立粥會濟饑尤藉甚人口三代縣篆設施  
頗多歿於官士民哭送者塞道路業性孝友與  
異母兄廣運處難難受敬老而彌篤

馮淑眉字學海辛酉舉人以明通教諭朝邑協辦  
賑務撫憲陳公大加優獎計典卓薦丁外艱服

富平縣志 卷之七 人 孝

關補鎮蕃諭倡捐置田歲取租息爲士子科舉  
路費至今攸賴嘗奉委行縣事柳林湖鼠食禾  
根殆盡力請賑恤民爲立生祠楊制臺保薦教  
授洮州尋授新化令丁繼母憂未到任卒

党新綬戊辰進士父內修鄉飲大賓事親教子見  
推鄉里嘗焚券數百金綬歷任大庾永豐長寧  
知縣嚴明平允所至著冰蘖聲改授西寧教授  
族補開州判課士牧民並有循蹟歿於官囊篋  
蕭然綬童年受知前令喬公讀書內署服官後  
力學論文無虛日厚本敦倫尤爲士林推許

楊啟聰字聖一丙子解元性孝友世績學種德每  
遇歉歲出粟賑濟動以數百石鄉里頌之子  
貢生遵遺命亦樂施不倦

楊齊碧庠生精岐黃術尤窳於易著易經遵註壽  
百有二歲  
韓文星一十二世同居共爨八十一人格守先訓  
外著雍睦內敦孝友乾隆十六年知縣李世垣  
詳報陳大中丞

題准奉  
旨建坊忠孝祠立碑題名

富平縣志 卷之七 人 孝

唐澤鳳孤憐貧劇族中老而無依少失怙恃者  
恒依賴之子溥德溥忠並列膠庠孫邦彥早歲  
膺鄉薦人以爲盛德之報云

何格字舜典州同職有孝行學品爲時所重依慕  
府數十年藩臬督撫咸委資焉居鄉矜式閭里  
王汝翼歷幕甘省事繼母孝本堡有老而無子及  
老而子幼者並藉翼糊口閭里推焉

李文典處士庠生中選父嗜學篤行孝友重鄉評  
課子有方外孫進士党新綬諸生新綬並沐教  
澤居恒手一編皆理學書人以古先生目之

此為試讀，需要完整PDF請訪問：www.ertongbook.com

周挺壽民兄弟五人三兄一弟俱先後歿竭力事親尤善事孀嫂又爲堂叔孀營喪葬撫孤成立殯隣邑友人已地人稱盛德

孫公寬庠生性廉退讀書好伊川語錄摘取成編又嘗還拾遺讓兄產歿後鄉里以芳行碑其墓

李嘉才事父母孝母欲進香太白山艱步履才背負而前往返二十餘日血汗透衣外母病使血

禱神祈代母尋愈而才病如母者數日人咸異之父母相繼歿廬墓三年已仍頻頻赴墓所起居如生存前令如臯陳公表其門邑人士贈以

富平縣志

卷之七 人物

充

詩文復碑其地曰李孝子廬墓處

李銓吉庠生力學敦行事孀母孝事孀婦如母前

令王公以優舉撫軍嘉獎府憲表其門曰孝義

可風

魏基長庠生事繼母孝教異母弟成立學校重之

以優舉

顧振翮耆民自其父濟公以來已有好善樂施之

稱翮性孝友克承父志每遇歉歲出粟賑濟族

有幼孤二收養於家授室置產他如修橋梁平

道路施棺瘞骸義舉甚多前令德州李公長洲

顧公長白與公並先後旌其門

石廷瑚庚寅舉人家素封刻苦力學自甘儉樸鄉

舉後捐備飲食紙筆聚生童常數十人會文淡

村寺中月六舉仍延名宿分校成就頗多邑庠

董之用贈詩有云袖將題至星初落收得文歸

日已沉一時傳爲寶錄翊性孝友嘗爲再從兄

廷瑜成室生子瑜歿撫恤孀孤人尤稱之

仇悅仇性仇惟兄弟友善而性繼叔氏後不計分

產後以歲貢佐蓮幕尤不妄取予飭躬勵俗見

重鄉黨里人稱有家法者咸推仇氏云

富平縣志

卷之七 人物

丰

党起孟字鴻儒孝友任恤鄉里稱之不娶守節婦

尤屬盛德辛巳

駁元王少宗伯紀其畧京兆太守田公有傳載藝文

石爲崑監生孝友慈祥處家處鄉無涼德手錄古

人格言標爲家訓歲饑出粟八十餘石濟眾里

人以麥舟遺範表其門

曹楷字端林有孝行父病前年餘躬親浣濯不假

兒孫手比歿食朝夕必薦出入告白柩前如生

存時教子身爲義方居恒好施予姻黨中婚喪

未舉者多周恤之歲饑又出粟賑濟有以圖壽

稱謝者固辭不受人推盛德

成自孔自其高曾來相勉以和子孫恪遵先訓耕

讀孝友式好無尤現男四十人女四十二口同

居八世里中稱義門

石天魏監生七世同居現男女八十餘人耕讀傳

家孝慈友恭內外從無異言

其懿行可傳者如前明貢生任儒倚師中庠生張

鏞省祭曹思明民人李盡心李時茂田而成等

之孝事父母 主簿蓋廷章庠生仇陵楊棟田

潛儒士王胥諷民人董彥章劉普好潘龍周舉

富平縣志

卷之七 人物

七

賈良劉振高等之親及廬墓 省祭張道治吏

員張然民人唐順王尙賢賈良棟等之割股療

親 通判孟國詔庠生張養正廬墓三年又居

祠三年 仇同張彥山皆賣菜儲能竭力奉養

與妻孥同啖糟糠 李盡心趙孟良劉孟豸孫

綱孟天嗣等之友于兄弟 民人王肅周肅魏

廣膚施田自新魏大倫李梅李宗橋等之任卹

鄉里 庠生劉必通民人喬泰崗於明末賑饑

同出粟一千四百石必通復代供闔里夫役銀

百兩其子庠生可釋亦樂解推 張崧田稔田

涿劉瑤劉朝陽宋經王臣等之隱德 七歲善

書彭佐商之幼穎

本朝廩生惠君美處士喬冲斗民人紀文碧劉尙義

温克振等之孝友兼至 孟國脉許塘魏人紀

馬光明武尙謙楊琳等之善事父母 生員魏

漁劉儼等之善事父 紀炳政李春盛等之善

事母 典史魏之琦民人楊清等之善事繼母

楊述烈邵振有等之親及廬墓 曹騰翼楊

永寧曹承健等之割股療親 生員班璉民人

袁月望李允寧等之居喪盡禮 貢生孫長階

富平縣志

卷之七 人物

七

孫長陶孫長隆等之兄弟友愛 王璞王魏先

輝魏昌蘭魏廷瑞魏日恭之善事兄長 魏魁

芳之撫姪如子 劉承承之推讓產業 張徽

典唐加廣韓文趙劉起本王義民康永衛程文

珂趙思明趙有循胡克聰吏員張大智王社榮

等之孝友樂施 巡檢張養蘊監生楊勳楊勳

民人雷爾澤雷中辰楊標石璪楊慎行張繼榮

仇嗣馨陳自評楊之玘魏詩賓孫維天田作霖

馬自蕃監生趙希獻鄉飲大賓張雍睦耆賓劉

元坤民人權統衆等之任卹而趙之信好義樂

施焚券煮粥庠生紀劍典房糴粟以賑庠生李  
廷薦授徒三原出館金雞谷捐賑人尤稱之  
支起都魏承烈陳其蘊韓文仕張新發喬生祥  
王天福田思問等之不昧遺金 胡崇祿業剝  
頭竭力養親人稱胡孝子張繩武年逾七旬繩  
宗六旬餘兄弟友愛老而益篤王子耀爲王天  
祿義子事親撫姪出於至誠韓二爲人傭工拾  
遺金訪還失者不受謝尤屬難能 庠生宋振  
唐党懋醇王在簡許上達處士沈肅等之學品  
邑人李一龍貢生劉旣門人等之視師如親凡  
皆懿行可傳者也

富平縣志

卷之七 人物

七

按頻陽人物由秦漢以迄

國朝忠孝節義政事文章如鷄菴石疊斛山立山四  
先生尙矣繼起者咸能步武芳躅流光竹帛爲  
桑梓重乃若家無慚德里有義舉凡有所表見  
者並採入焉邦之彥兮邦之桀兮表前徽正以  
策後進也寧惟善善從長云爾哉

補遺

程麟本縣石川里人富平營高陵汛守兵乾隆三  
十八年從征金川陣亡

毛諱秀本縣義城里 富平營永豐汛守兵乾隆  
三十八年從征金川傷亡右並遊  
恩卹賞銀五十兩

富平縣志

卷之七 人物

七

節烈

元

五女姓失考遭紅巾亂皆自殺明洪武時諭祭

明

劉氏惠敬妻年二十六敬死遺子方在抱舅姑皆

衰老家故貧氏紡績事育四十年無異志成化

四年旌

宋氏張傑妻甫舉子傑病氏奉湯藥晝夜不懈氏

歿哀毀瀕死無何舅姑偕亡終服後非大故足

不出戶教子入庠

富平縣志

卷之七 節烈

一

竇氏韓能妻年二十五而寡事舅姑孝孀居三十

八年右並知縣陳潤上其事

惠氏劉五妻五死時氏年二十三守節終身誓不

二志聞其事者知縣馬元也

仇氏強果妻夫死無嗣氏痛曰強氏祭掃舍我誰

責誓死守節年七十餘卒

王氏李萼妻甫于歸夫即病氏經年不歸寧尊飯

亦飯不飯即終日忍饑晝夜事湯藥罔懈比危

謂氏曰乘吾生盍製素衣爲汝不虞備氏泣對

曰果不諱吾有死耳何衣爲翌日夫屬纊氏庭

必不起入後園自縊頃之尊甦覓之則已不救  
矣時議夫存未宜請旌識者惜之

楊氏王志才妻年二十夫死有遺孕里人某欲出

重幣娶之翁姑知不可奪令自計氏遂塞寢室

戶不出者數年苦志撫孤年登七旬有孫七人

皆成立

楊氏李彥章妻夫死貧甚氏勤績紡奉老撫幼姑

憐其少勸令改適不從後值乙卯地震絕糧巨

室謀娶者不一人氏皆痛罵不從隣婦哀之餽

食却弗受與子某俱餓死

富平縣志

卷之七 節烈

二

惠氏孟學孔妻萬歷中夫爲寧夏撫吏卒惠候喪

至祭畢自縊事聞蒙旌有石坊在南郭明末毀

於賊

翟氏溫九疇妻明末賊破秦陞城不死復投水罵

賊被殺水中

田氏陳儉妻萬歷中夫死於客輿櫬歸比葬氏囑

工曰穴須寬治葬畢中夜自縊有司申請蒙旌

坊曰從容就義

劉氏紀 妻庠生熙昌母夫當天啟中賈於蜀訛

傳不諱氏即自縊死直指莊謙題請奉旨賜旌

貞烈之門神樓見存

陳氏儒士張問德妻崇貞問德以父歿哀毀死氏年甫廿二泣別其母誓殉夫死托孤夫兄殮畢自縊柩前有司上其事遭變未旌人稱憾事

徐氏田而腴妻父某宦秦中以誣下獄氏請鬻身救父而腴聞其賢聘為繼室既而腴代父死平陽逾歲柩還氏從容迎祭成禮投繯死衣悉附體紉縫密比遺一女以哭母不食死子死父妻死夫死母節孝萃於一門洵屬難能

馮氏魏丕顯妾顯死氏年十九誓不改適撫孀子

雷平縣志

卷之七 節烈

三

孫歷四世辛勤不懈幾七十載始歿

溫氏魏希孔妻年十九守節撫子及孫皆成立登仕籍邑令丞各表其門一日冰霜撫孤一日貞節

李氏生員孫應魁妻歸二載夫故無出家故貧舅姑勸令改適不從乃為立廟守志終身

王氏石若星妻性端才敏幽貞自好崇貞八年流寇入縣氏引三女匿樓上賊欲生致之與三女俱自縊死

趙氏寶汝壘妻夫卒時氏年甚少苦節撫孤有司

旌之

常氏李應科妻夫亡撫子大亨成立取婦張氏大亨復天張亦守志不移人稱雙節

權氏石潛珠妻年十八夫亡撫孤子壘壘死撫孫九鼎復天撫曾孫璋及白粹璋又殤白粹得成立三世保孤遭尤困

田氏生員李允昌妻年二十九而寡初昌病革謂氏曰爾多才若能教子成立死無恨比卒痛欲身殉舅以夫遺囑諭之乃止茹苦完貞教四歲孤後果成名

雷平縣志

卷之七 節烈

四

張氏生員陳俊士妻嫁未幾夫遠遊不歸氏依姑

王氏紡績度日值大禮苦饑常閉戶數日不啟隣人號之不應疑餓死排牆入視姑與婦皆整衣坐床上叩之曰無人可求忍饑俟死耳衆憐其苦糜米麥具飲食給之約盡再給拜受閉戶久之終不啟復排牆視則皆端坐死床上所給米麥委床側飲食置床前几上朽敗蠹生矣孫氏支國楨妻十八喪夫上奉老舅及同居伯叔撫姪王佐為嗣尤竭慈愛苦節歷五十年

楊氏李劬忠妻太史因篤祖母節明末寇亂族中

諸婦共處一樓賊攻破堡舉火焚樓有一賊在  
馮丐者感楊氏往昔施予恩亟呼使下楊氏義  
不肯從與同族長賤八十一人俱焚死賊去火  
滅家人得其尸獨完好如生

劉氏邢加貞妻明末流寇攻掠氏投井死

楊氏石嶺妻父爵卒哭死人稱孝女

惠氏翟大龍妻姑早亡遺一女與己女年相若值  
寇亂走避度難兩全棄己女抱姑女奔陰村寨  
舅先在焉向知其故衆義之約丁壯數十人覓  
女歸

甯平縣志 卷之七 節烈 五

胡氏紀英妻二十一而夫亡遺子甫二齡值寇亂  
投井中折肱賊退救出得不死苦節撫孤教孫  
入庠

陳氏党敏妻 支氏張饒妻 王氏張謐妻 孫

氏胡進朝妻 田氏郭承蒼妻 楊氏田貢妻

劉氏王應全妻俱矢苦節有司匾獎

馬氏惠本仁妻 田氏李可久妻 趙氏劉紳妻

張氏李祥妻 劉氏孫朝用妻 張氏陳世

貴妻 樊氏劉述堯妻 惠氏朱尙節妻 王

氏張廷瓚妻 張氏李大亨妻 張氏李羔妻

郭氏紀 妻 張氏李汝儀妻 胡氏王山  
妻 氏紀東野妻 王氏張仲木妻 楊氏  
王盡忠妻 紀氏邵積妻 來氏劉元義妻  
張氏楊維藩妻 胡氏李濟民妻以上諸節婦  
俱夫亡守志撫孤成立

本朝

牛氏程世武妻秉性堅貞克盡婦道強暴程尙榮  
逼姦不從被殺獄成尙榮實重典

古氏生員賈允陞妻夫亡冰蘖自矢苦節多年

唐氏溫九鵬妻夫隨氏父之任江南值危疾氏截

甯平縣志 卷之七 節烈 六

指和藥以進獲痊又三載夫亡氏年二十二擄  
孤扶櫬歸茹荼堅守年五十六終

王氏常名顯妻婚七載夫亡堅守四十餘年孝事  
舅姑既歿薦饗務極誠恪舅有妾無出氏亦推  
心奉事撫子成立今已一門四世矣

賈氏王定宇妻宇任山東博興典史以病歸嘗謂

氏曰我脫不諱如老母幼子何氏誓以苦守迨  
宇歿年二十五歲姑以哭子寢疾委曲事養後

率子營喪葬遠邇稱賢孝

紀氏武承堯妻夫逝後嚴正自律勤瘁愈加歷五

紀氏武承堯妻夫逝後嚴正自律勤瘁愈加歷五